

SCRIPT OF EVENING GOJRI NEWS BULLETIN 2FEB 2026 1700HRS

اوننگ گوجری نیوز بولٹن 2 فروری 2026

یوہ آکاشوانی جموں ہے نصرت تے ظفر اقبال تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے کہیو کہ این۔سی۔سی نے نوجوان نانہہ یوہ سیق دتو ہے کہ قومی مفاد، ذاتی فائدہ تیں آپر وے۔
- ۲۔ جموں کشمیر قانون ساز اسمبلی غو بجٹ اجلاس اج لیفٹیننٹ گورنر منوج سنہا غا خطاب غے نال شروع ہوو تے یوہ ہم نانہہ ہُن توڑی غا سفر ور غور کرن تے مستقبل غی ترجیحات طے کرن غو موقعو دے۔
- ۳۔ جموں کشمیر قانون ساز اسمبلی اج دو رہنماواں غی حالیہ وفات ور خراج عقیدت پیش کرن تیں بعد ملتوی کردتی گئی۔
- ۴۔ قومی تحقیقاتی ایجنسی نے دہشت گردی معاملہ غی تفتیش غے تحت سرینگر، بارامولا تے باندی پورہ مانہہ تلاشی کاروائی کیں۔
- ۵۔ محکمہ موسمیات نے اج مرکزی زیر انتظام غا کئی علاقہ مانہہ ہلکی تے درمیانہ درجہ غی بارش تے برف باری غے نال تیز ہواواں بارے پیشن گوئی کی ہے۔

LG NCC

لیفٹیننٹ گورنر منوج سنہا نے کہیو ہے کہ این۔سی۔سی نے نوجواناں غی کئی نسلان نانہہ یوہ سیق دتو ہے کہ قومی مفاد، ذاتی فائدہ تیں آپر وے۔ انہاں نے کہیو، مل جُل غے سماج غی بھلائی واسطے کم کرنو ہی اصل قیادت ہے۔ ایل جی موصوف نے یاہ گل اُس ویلے کئی، جد وہ این۔سی۔سی ڈائریکٹوریٹ جموں کشمیر تے لداخ غا اُن کیڈٹس تیں خطاب کررہیا تھا جہڑا یوم جمہوریہ غی تقریب مانہہ شرکت کرن تیں بعد نوی دہلی تیں واپس آیا ہیں۔ انہاں نے این۔سی۔سی غا کردار غی تعریف کرتا واں کہیو کہ این۔سی۔سی نوجواناں غی تربیت، بے لوٹ خدمات تے جذبہ نانہہ فروغ دین تے ایک ترقی یافتہ سماج تے مضبوط قوم بنان مانہہ اہم کردار ادا کرے۔ انہاں نے مزید اس طرح کہیو۔۔۔۔۔

LG ADDRESS

جموں کشمیر قانون ساز اسمبلی غو بجٹ اجلاس اج لیفٹیننٹ گورنر منوج سنہا غا خطاب غے نال شروع ہوو۔ ایل جی موصوف نے اج کہیو کہ جموں کشمیر قانون ساز اسمبلی غو بجٹ اجلاس بہت اہم ہے کیونجے یوہ ہم نانہہ ہُن توڑی غا سفر ور غور کرن تے مستقبل غی ترجیحات طے کرن غو موقعو دے۔ اسمبلی غا بجٹ اجلاس غا پہلا تہاڑے ایوان تیں خطاب کرتا واں انہاں نے کہیو کہ یوہ اجلاس تمام فریقان نانہہ ماضی غی کارکردگی ور غور کرن، کامیابییاں ور گل بات کرن تے مستقبل واسطے واضح منصوبہ بنان غو موقعو دے۔ انہاں نے کہیو کہ یوہ اجلاس جموں کشمیر غی عوام غی، امیدان تے خواہشات نانہہ پورا کرن غا عزم نانہہ ایک پلیٹ فارم فراہم کرے۔ ایل جی موصوف نے عوام غو شکریہ ادا کیو تے یقین دوايو کہ انتظامیہ عوامی مفاد واسطے کم کرتی رے غی۔

JKLA ADJOURNED

جموں کشمیر قانون ساز اسمبلی اج دو رہنماواں غی حالیہ وفات ور خراج عقیدت پیش کرن تیں بعد ملتوی کردتی گئی بجٹ سیشن غی شروعات لیفٹیننٹ گورنر منوج سنہا غا خطاب تیں ہوئی، اس تیں بعد سپیکر نے سابق ایم۔ایل۔اے بارامولا، غلام محمد خان تے سابق ایم۔ایل۔سی بڈگام، خواجہ غلام محمد لون غی وفات ور یادگاری تقریر کی۔ سپیکر نے دواں رہنماواں غی خدمات غی تعریف کی، جہڑا پچھلے سال نومبر تے دسمبر مانہہ انتقال کر گیا تھا۔ ممبران نے 2 منٹ غی خاموشی اختیار کی، پھر ایوان اج دن بھر واسطے بند کردتو گیو۔

CHAIRMEN PANEL

محکمہ موسمیات نے آج تے ہلک یعنی ترے فروری غی دوپہر تک جموں کشمیر یوٹی غا کئی علاقہ مانہ ہلکی تیں درمیانہ درجہ غی بارش تے برف باری غے سنگ تیز ہواواں غا چلن غی پیشن گوئی کی ہے تاہم 4 تیں 6 فروری تک موسم خوشک رہن غی توقع ہے مجموعی طور ور

جموں کشمیر مانہہ 10 فروری تک موسم زیادہ تر خشک رہن غو امکان ہے تے بڑی بارش یا برف باری غی پیشن گوئی نہیں کی گئی ہے۔

ROAD SAFETY

قومی سڑک حفاظتی مہینہ 2026 غے تحت موٹر گڈیاں بارے محکمہ یعنی محکمہ ٹرانسپورٹ نے کشتواڑ بس اڈہ ور ایک بڑا سڑک حفاظتی بیدادی پروگرام غو انعقاد کیو جس غی صدارت ڈپٹی کمشنر کشتواڑ پنکج شرما نے کی ڈرائیواراں سنگ تے ٹرانسپورٹراں سنگ خطاب کرتا وائ ڈپٹی کمشنر موصوف نے ٹریفک قوانین غی سختی سنگ پابندی تے ذمے دارانہ ڈرائیونگ ور زور دتو تانجے سڑک حادثات مانہہ کمی آئی جاسکے۔ اس پروگرام مانہہ سڑک حفاظتی دسخطی مہم، مفت میٹیکل تے انکھان غی جانچ کران غا

کیمپ انشورنس سکیم غو اندراج تے بہترین ڈرائیواراں غی تعریف شامل تھی حادثات ویلے فوراً استعمال کرن غی مفت کٹ تقسیم کی گئی تے محفوظ ڈرائیونگ منشیات غا استعمال تے صفائی ستھرائی توں متعلق آگاہی سیشن غو وی انعقاد کیو گیو آکاشوانی گا خیراں آلا شعوبہ سنگ گل بات کرتا وائ ضلع ترقیاتی کمشنر کشتواڑ نے گج اس طرح کہیو۔
